

Borba protiv korupcije je prioritet broj jedan za bh. vlasti



Borba protiv korupcije, uključujući prevenciju i zaštitu zviždača, mora biti prioritet broj jedan za vlasti u BiH, izjavio je danas visoki predstavnik Christian Schmidt tokom posjete Agenciji za prevenciju korupcije i koordinaciju borbe protiv korupcije BiH.

Visoki predstavnik se sastao sa novoimenovanim direktorom Agencije Elvisom Kondžićem, zamjenicom direktora Damirkom Mioč, te pomoćnikom direktora Mevludinom Džindom kako bi se informirao o prioritetima Agencije i strategijama za borbu protiv korupcije.

Visoki predstavnik je izrazio podršku za značajan posao koji ova agencija treba da radi kako bi jačala povjerenje građana u javne institucije. Korupcija je i dalje jedan od ključnih izazova u BiH i jedan od glavnih razloga za veliki odliv stanovništva. Zato je toliko značajno da se ona iskorijeni i visoki predstavnik će nastaviti pomno pratiti rad Agencije.